

წრფივი პროგრამირების ამოცანის ოპტიმალური ამონახსნების მოძებნა მცირე სანარმოს მუშაობის მაგალითზე

მვროპული ინფორაცია და
საქართველო
ეკონომიკისა და ბიზნესის
აქტუალური პრობლემები
გლობალიზაციის
თანამედროვე პირობებში

*საერთაშორისო სამეცნიერო-
პრაქტიკული კონფერენცია*

ბიზნესი, ორგანიზაციული სის-
ტემები და მიკროეკონომიკური
პრობლემები

იოსებ ქართველიშვილი

ტექნიკის აკადემიური დოქტორი,
ვეროპის სასწავლო უნივერსიტეტის ასოცირებული პროფესორი

თაა თოღუა

ტექნიკის აკადემიური დოქტორი,
ვეროპის სასწავლო უნივერსიტეტის პროფესორი

საკვანძო სიტყვები:

წრფივი პროგრამირება, ოპტიმალური ამონახსნების მოძებნა

თანამედროვე ცხოვრება შევიდა გან-
ვითარების ისეთ სტადიაში, რომ ნებისმიერი
სფერო, პრაქტიკული ამოცანების გადასაჭრელად
საჭიროებს ეფექტური მეთოდების შემუშავებასა
და თანამედროვე ტექნიკური სისტემების დაპრო-
ექტებას, რომლებიც დასაშვები სიზუსტით მარ-
ტივად, სწრაფად და კომპიუტერული დროის
უმნიშვნელო დანახარჯებით უზრუნველყოფს
დასმული ამოცანების გადაწყვეტას. რთული,
მათ შორის ეკონომიკური ობიექტების (სისტე-
მების) ეფექტურად მართვის აუცილებლობამ
გამოიწვია სპეციალური მოდელებისა და მეთ-
ოდების შექმნა, რომლებიც აადვილებენ სწორი
გადაწყვეტილებების მიღებას. ისინი ოპტიმი-
ზაციის მოდელების სახელწოდებითაა ცნო-
ბილი. უკანასკნელი 60 წლის განმავლობაში ეს
მოდელები ინტენსიურად ვითარდება და გამოი-
ყენება ადამიანის მოღვაწეობის ისეთ სფერ-
ოებში, როგორცაა მრეწველობა, სოფლის
მეურნეობა, ეკონომიკა, ტრანსპორტი, ჯანმრთე-
ლობის დაცვა, საყოფაცხოვრებო მომსახურება,
ფსიქოლოგია და სხვა.

ოპტიმიზაციის ამოცანის გადაწყვეტა უმ-
ნიშვნელოვანესია ადამიანის მოღვაწეობის თით-
ქმის ყველა სფეროში. მოვიყვანოთ რამდენიმე
მაგალითი: 1) სამრეწველო სანარმოს აინტერ-
ესებს სანარმოო რესურსების ეკონომიის სა-
კითხი; 2) ახალ ავტოსტრადაზე უნდა განლაგდეს
ავტოგასამართი სადგურების ქსელი, საჭიროა
რაციონალურად განისაზღვროს ამ ქსელის
პარამეტრები; 3) საქალაქო ტრანსპორტის
სამსახურს აინტერესებს სატრანსპორტო სა-
შუალებების ოპტიმალური მარშრუტები. ყველა
მაგალითში ოპერაციის კვლევის ძირითადი
ამოცანაა გარკვეული მიზნის მისაღწევად
საუკეთესო გზის ამორჩევა და მისი შეფასება.
ამ შემთხვევაში მთავარი როლი ენიჭება მათემა-
ტიკურ მოდელირებას. სანამ მათემატიკურ
მოდელს ავაგებდეთ, საჭიროა ობიექტის (სის-
ტემის) წინასწარი შესწავლის საფუძველზე
გამოვავლინოთ ამ ობიექტის ისეთი მახასი-
ათებლები, რომელთა მნიშვნელობების ვარი-
რებაც შეიძლება. სხვა სიტყვებით რომ ვთქვათ,
უნდა დავადგინოთ მართვადი ცვლადების

სამეცნიერო-პრაქტიკული ჟურნალი

სიმრავლე. მათემატიკური მოდელის ასაგე-
ბად საჭიროა სწორი წარმოდგენა გვექონდეს
ობიექტის (სისტემის) ფუნქციონირების მიზანზე
და ინფორმაცია გვექონდეს შეზღუდვებზე, რომ-
ლებიც განსაზღვრავს მართვადი ცვლადების
დასაშვებ მნიშვნელობებს. როგორც მიზანი,
ასევე შეზღუდვები უნდა ჩაინეროს ფუნქციების
სახით, რომელთა არგუმენტებს წარმოადგენენ
მართვადი ცვლადები.

მათემატიკური მოდელები შეიძლება
დავყოთ დეტერმინირებულ და სტოქასტურ
მოდელებად. დეტერმინირებულ მოდელებში
ყველა ფაქტორი, რომელიც ახასიათებს განსა-
ხილველ ობიექტს, მკვლევარისათვის ცნო-
ბილია. სტოქასტური მოდელები კი შეიცავენ
შემთხვევით ფაქტორებს, რომელთა შესახებაც
ცნობილია მათი განაწილების კანონები. ოპტი-
მიზაციის მოდელების პრაქტიკული ამოცანების
ამოხსნის დაგროვილი გამოცდილება საშუალე-
ბას იძლევა, ამ ამოცანების შინაარსის მიხედვით
გამოიყოს მათი ტიპობრივი კლასები. განვიხი-
ლოთ თითოეული მათგანი:

**1. რესურსების განაწილების და დანიშნის
ამოცანები** წარმოიშობა, როცა გვაქვს
შესასრულებელ სამუშაოთა ერთობლიობა
და მათ შესასრულებლად საჭირო რე-
სურსები შეზღუდულია. ამოცანა მდგო-
მარეობს სამუშაოების მიხედვით რე-
სურსების ისეთი განაწილების მოძებნაში,
რომლის დროსაც ან მინიმალური იქნება
ოპერაციის ჩატარების დანახარჯები ან
– მაქსიმალური საერთო ეფექტი. ორივე
კრიტერიუმის ერთდროულად გათვალის-
წინებაც შესაძლებელია. ასეთ შემთხ-
ვევაში მიიღება ე.წ. მრავალკრიტერიუ-
მიანი ოპერაციის ამოცანები. რესურსების
განაწილების ტიპის ამოცანებს ეკუთვნის
სატრანსპორტო ამოცანა, რომელშიც გა-
ნიხილება წარმოების პუნქტებზე მოხმარე-
ბის პუნქტების ოპტიმალური მიმავლების
პრობლემა. ამ ტიპის ამოცანების ამო-
სახსნელად ფართოდ გამოიყენება წრფივი
პროგრამირების, გრაფთა თეორიის, გან-
რიგებათა თეორიის მეთოდები.

2. მარაგთა მართვის ამოცანები ხასიათდება
შემდეგი თავისებურებით: მარაგის ზრ-
დასთან ერთად იზრდება მისი შენახვის
ხარჯები, მაგრამ მცირდება დანაკარგები
შესაძლო დეფიციტის გამო. საჭიროა

დადგინდეს მარაგის ის მინიმალური
რაოდენობა, რომლის დროსაც საჭირო
დანახარჯებისა და შესაძლო დეფიციტის
გამო შექმნილი დანახარჯების ჯამი მინი-
მალურია.

3. მარშრუტების ამორჩევის ამოცანები, ანუ
ქსელური ამოცანები გვხვდება სატრანს-
პორტო და კავშირგაბმულობის სხვა-
დასხვა პროცესის განხილვისას. ამ ტიპის
ამოცანებს მიეკუთვნება კომიოვიაჟერის,
მაქსიმალური ნაკადის და გრაფთა თე-
ორიის ზოგიერთი სხვა ამოცანა.

4. ქსელური დაგეგმვის ამოცანები აქტუ-
ალურია რთული და ძვირადღირებული
პროექტების დამუშავებისას. ამ დროს
არსებითია პროექტის სხვადასხვა ეტაპის
დანყებისა და დამთავრების ოპტიმალური
დროის დადგენა.

**5. კალენდარული დაგეგმვის ამოცანებისათ-
ვის** დამახასიათებელია სხვადასხვა ტიპის
სამუშაოთა შესრულების ოპტიმალური
თანმიმდევრობის დადგენა სხვადასხვა
კრიტერიუმის შესაბამისად.

6. კომბინირებული ამოცანები ერთდროუ-
ლად მოიცავს რამდენიმე ტიპის ამოცანას.
მაგალითად, წარმოების მართვის პროცესში
ვანყდებით შემდეგ პრობლემებს: თითოეული
ტიპის რა რაოდენობის ნაკეთობა გამო-
ვუშვათ (წარმოების დაგეგმვის ამოცანა),
როგორ გავანაწილოთ შეკვეთები მონყო-
ბილობებზე (განაწილების ამოცანა), რა თან-
მიმდევრობით შევასრულოთ შეკვეთები (კა-
ლენდარული დაგეგმვის ამოცანა).

პრაქტიკული ამოცანების უმრავლესობა
გულისხმობს გარკვეული აზრით საუკეთესო
(ოპტიმალური) გადაწყვეტილების ამორჩევას
(მაგალითად, მოგების მაქსიმუმი, დანახარჯების
მინიმუმი, გარკვეული ოპერაციის ჩატარებისათვის
საჭირო დროის მინიმუმი და ა.შ.). შესაბამისი
მათემატიკური მოდელებიც ძალიან ხშირად ოპ-
ტიმიზაციის ამოცანებია. ისეთ ოპერაციებში,
სადაც მრავალი ცვლადის ფუნქციის ექსტრემ-
უმს ვეძებთ და ცვლადები გარკვეულ პირობებს
(შეზღუდვებს) აკმაყოფილებენ, ამოცანების
მოდელირებისათვის ძირითადად გამოიყენება
მათემატიკური პროგრამირების მეთოდები.

მიზნობრივი ფუნქციისა და შეზღუდვების
სტრუქტურის მიხედვით შეიძლება მივიღოთ
წრფივი, არაწრფივი, დინამიკური, დისკრეტული

(მთელირიცხვა), სტოქასტური პროგრამირების ამოცანები. ოპტიმალური (თუ ეს შესაძლებელია) ან მიახლოებითი ამონახსნის მისაღებად გამოიყენება ცნობილი ალგორითმები (თუ ასეთი არ არსებობს, უნდა დამუშავდეს ახალი). როგორც წესი, პრაქტიკულ ამოცანებში ცვლადებისა და შეზღუდვების რაოდენობა საკმაოდ დიდია, ამიტომაც კომპიუტერის როლი პრაქტიკული ამოცანების გადაჭრაში ძალიან მნიშვნელოვანია.

მათემატიკური პროგრამირების მეთოდებს შორის ყველაზე კარგად დამუშავებულს წარმოადგენს წრფივი პროგრამირების ამოცანების ამოხსნის მეთოდები.

წრფივი პროგრამირების ამოცანები შეიძლება სხვადასხვა სახით დაისვას, მაგრამ ყველა ამოცანა, რომელზეც დაიყვანება ნებისმიერი ეკონომიკური ან ტექნიკური ამოცანა, შეიძლება გავაერთიანოთ წრფივი პროგრამირების ერთ ზოგად ამოცანაში.

ავაგოთ ეკონომიკურ-მათემატიკური მოდელი მცირე საწარმოსთვის (კონკრეტული მაგალითი და მონაცემები მოყვანილია ქვემოთ) და მიღებული მოდელის საფუძველზე ვიპოვოთ წრფივი პროგრამირების ამოცანის ოპტიმალური ამონახსნები.

დავუშვათ, მოცემული გვაქვს მცირე საწარმო, რომელსაც რესურსების სახით გააჩნია 120 გრძივი მეტრი ფიცარი, 100 გრძივი მეტრი ლატანი და 64 კვ.მ დიქტი. ამ მასალებისგან საწარმოს შეუძლია დაამზადოს მაგიდები და კარადები. თითოეული მაგიდის დამზადებას ესაჭიროება: ფიცარი – 12 გრძივი მეტრი, ლატანი – 5 გრძივი მეტრი და დიქტი – 5 კვ.მ. თითოეული კარადის დამზადებას ესაჭიროება: ფიცარი – 4 გრძივი მეტრი, ლატანი – 10 გრძივი მეტრი და დიქტი – 6 კვ.მ. ერთი მაგიდა ღირს – 80, ხოლო ერთი კარადა – 50 ლარი.

წარმოების ოპტიმალური მართვის ამოცანა მდგომარეობს შემდეგში: რამდენი დავამზადოთ თითოეული სახის პროდუქცია ისე, რომ არ გადააჭარბოთ არსებულ რესურსებს და საწარმომ მიიღოს მაქსიმალური შემოსავალი. დასმული ამოცანა დავიყვანოთ წრფივი პროგრამირების ამოცანად. ჯერ ამოცანა წარმოვადგინოთ ზოგადი სახით, ამისათვის შემოვიღოთ აღნიშვნები.

განვიხილოთ ნებისმიერი სახის წარმოება. დავუშვათ, რომ მოცემული წარმოება უშვებს

n რაოდენობის პროდუქციას, რომლისთვისაც საჭიროა m რაოდენობის რესურსი. ამასთან ცნობილია თითოეული სახის პროდუქციის ერთეულის დასამზადებლად საჭირო რესურსების რაოდენობა, ე.ი. ნორმა, რომელიც აღვნიშნოთ a_{ij} -ით, სადაც $i=(1,...,m), j=(1,...,n)$. a_{12} – ეს არის ნორმა I სახის რესურსისა, რომელიც საჭიროა II სახის პროდუქციის ერთეულის დასამზადებლად. ზოგადად a_{ij} – ეს არის ნორმა i -ური სახის რესურსისა, რომელიც საჭიროა j -ური სახის პროდუქციის ერთეულის დასამზადებლად. c_j -ით აღვნიშნოთ j -ური სახის პროდუქციის ერთეულის რეალიზაციის შედეგად მიღებული მოგება, b_i – i -ური რესურსის რაოდენობა, რომელიც წარმოებას აქვს, x_j – პროდუქციის რაოდენობა, რომელიც წარმოებაში უნდა დაამზადოს. მაშინ $X(x_1, x_2, \dots, x_n)$ იქნება წარმოების მთლიანი გეგმა. ცხადია, რომ წარმოებას სურს შეადგინოს ისეთი გეგმა, რომელიც მოცემული რესურსების გამოყენებით მას მისცემს მაქსიმალურ მოგებას, ე.ი. უნდა განვსაზღვროთ ეფექტურობის კრიტერიუმი ან მოცემული ამოცანის მიზნობრივი ფუნქცია.

ჩვენი აღნიშვნის თანახმად ცნობილია c_j , მაშინ $c_j x_j$ იქნება x_j რაოდენობის I სახის პროდუქციის რეალიზაციის შედეგად მიღებული მოგება. ასევე $c_n x_n$ არის x_n რაოდენობის n -ური სახის პროდუქციის რეალიზაციის შედეგად მიღებული მოგება. თუ შევკრებთ $c_j x_j$ -ს, მივიღებთ მიზნობრივ ფუნქციას, ანუ ეფექტურობის კრიტერიუმს

$$F = c_1 x_1 + c_2 x_2 + \dots + c_j x_j + \dots + c_n x_n \text{ ანუ}$$

$$F = \sum_{j=1}^n c_j x_j \quad (1)$$

წარმოებას აინტერესებს ისეთი $X(x_1, x_2, \dots, x_n)$ გეგმის შედგენა, რომ ერთი მხრივ, მიზნობრივმა ფუნქციამ (1) მიიღოს მაქსიმალური მნიშვნელობა, ხოლო მეორე მხრივ, არ გადააჭარბოს არსებულ რესურსებს. ე.ი. x_j ცვლადებმა უნდა დააკმაყოფილონ შემდეგი უტოლობები:

$$a_{i1} x_1 + a_{i2} x_2 + \dots + a_{in} x_n \leq b_i, \quad i = 1, 2, \dots, m \quad (2)$$

რადგანაც x_j აღნიშნავს დამზადებულ პროდუქციის რაოდენობას, ამიტომ x_j რიცხვების მნიშვნელობები არ შეიძლება იყოს უარყოფითი, ეს არის ეკონომიკური ხასიათის შეზღუდვა.

	X1	X2		RHS	Equation form
Maximize	80	50			Max 80X1 + 50X2
Constraint 1	12	4	<=	120	12X1 + 4X2 <= 120
Constraint 2	5	10	<=	100	5X1 + 10X2 <= 100
Constraint 3	5	6	<=	64	5X1 + 6X2 <= 64

სურ.1. საწყისი მონაცემების შესატანი ფორმა

მივიღებთ $m+1$ უტოლობისაგან შემდგარ სისტემას, რომელიც წარმოადგენს წრფივი პროგრამირების ამოცანის შეზღუდვების სისტემას:

$$\begin{cases} a_{11}x_1 + a_{12}x_2 + \dots + a_{1j}x_j + \dots + a_{1n}x_n \leq b_1 \\ a_{21}x_1 + a_{22}x_2 + \dots + a_{2j}x_j + \dots + a_{2n}x_n \leq b_2 \\ \dots \\ a_{m1}x_1 + a_{m2}x_2 + \dots + a_{mj}x_j + \dots + a_{mn}x_n \leq b_m \end{cases} \quad (3)$$

თუ $x_j=0$, ეს იმას ნიშნავს, რომ მოცემული სახის პროდუქციის გამოშვება წარმოებისათვის არ არის მიზანშეწონილი. საბოლოოდ, თუ შეზღუდვების სისტემას მივუწეროთ მიზნობრივ ფუნქციას, მაშინ წარმოების მართვის ამოცანა მოკლედ ასე შეგვიძლია ჩამოვყალიბოთ: ვიპოვოთ x_1, x_2, \dots, x_n ცვლადების ისეთი არაუარყოფითი მნიშვნელობები, რომლებიც დააკმაყოფილებენ

(3) უტოლობებს და რომლებისთვისაც (1) მიზნობრივი ფუნქცია მიიღებს მაქსიმალურ მნიშვნელობას. თუ შეზღუდვების სისტემაში და მიზნობრივ ფუნქციაში შევიტანთ კონკრეტულ რიცხვით მაგალითებს, მაშინ მივიღებთ:

$$\begin{cases} \square x_1 + 4x_2 \leq 120 \\ 5x_1 + \square x_2 \leq 100 \\ 5x_1 + 6x_2 \leq \square \end{cases} \quad (4)$$

$$F = \square x_1 + 5 \square x_2 \rightarrow \max \quad (5)$$

(4) და (5) გამოსახულებაში ყველა დამოკიდებულება არის წრფივი, ამიტომ მოცემული ამოცანა წარმოადგენს წრფივი პროგრამირების ამოცანას. (4) შეზღუდვების სისტემა და (5) მიზნობრივი ფუნქცია წარმოადგენს ამოცანის

	X1	X2		RHS
Maximize	80	50		
Constraint 1	12	4	<=	120
Constraint 2	5	10	<=	100
Constraint 3	5	6	<=	64
Solution->	8.9231	3.2308		875.3846

სურ.2. ოპტიმალური ამონახსნების გამომავალი ფორმა

მათემატიკურ მოდელს.

წრფივი პროგრამირების ამოცანებში მათემატიკური მოდელის აგების შემდეგ მოიძებნება ოპტიმალური ამონახსნები, რომლისთვისაც გამოიყენება სიმპლექსმეთოდი. ამისათვის გამოვიყენოთ “Pom For Windows” პროგრამული პაკეტი, რომელშიც ჩადებულია სიმპლექსმეთოდის ალგორითმი. გამოვიძახოთ სანყისი მონაცემების შესატანი ფორმა და ამოცანის მათემატიკური მოდელიდან მასში შევიყვანოთ სანყისი მნიშვნელობები (სურ. 1).

შემდეგ მოვახდინოთ ფორმის რეალიზაცია, ამისათვის დავაჭიროთ ლილაკს “Solve”, რის შემდეგაც გამოჩნდება გამომავალი ფორმა, სადაც მოცემულია ოპტიმალური ამონახსნები (სურ. 2).

სურ.2-დან ჩანს შემდეგი: იმისათვის, რომ წარმოებამ მიიღოს მაქსიმალური შემოსავალი, უნდა დაამზადოს I სახის პროდუქტი – 9 ცალი, II სახის პროდუქტი – 3 ცალი, ხოლო მოგება იქნება – 875.38 ლარი.

საბოლოოდ შეიძლება დავასკვნათ, რომ წარმოების მართვის პროცესში ობიექტის ეკონომიკურ-მათემატიკური მოდელის გამოყენება ძალიან მნიშვნელოვანია ეფექტური დაგეგმვისა და ოპტიმალური გადაწყვეტილებების მისაღებად. ეკონომიკური ამოცანა წარმოდგენილი უნდა იყოს მათემატიკური განტოლებების, უტოლობებისა და ზღვრული ფუნქციის ექსტრემუმის (მაქსიმუმი ან მინიმუმი) სახით, სადაც ყველა პირობა იქნება დაცული თავისი შეზღუდვებით.

ამგვარად, ოპტიმალური გადაწყვეტილების მისაღებად, ნებისმიერი ეკონომიკური ამოცანისათვის, თავდაპირველად აუცილებელია აიგოს ეკონომიკურ-მათემატიკური მოდელი ისეთი სტრუქტურით, რომელიც მოიცავს შეზღუდვების სიტემებს, მიზნობრივ ფუნქციას და ოპტიმალურობის კრიტერიუმებს, ხოლო შემდეგ უნდა განხორციელდეს მისი პრაქტიკული რეალიზაცია პროგრამული პაკეტის დახმარებით.

გამოყენებული ლიტერატურა:

1. გოგიჩაიშვილი, გ. (1998). შონია ო., ქართველიშვილი ი. ოპერაციათა კვლევა. სტუ, თბილისი.
2. გოგიჩაიშვილი, გ. (2004). შონია ო., ქართველიშვილი ი. ავტომატიზებული მართვის მოდელები. სტუ, თბილისი.
3. ქართველიშვილი, ი., შონია, ო., ნადირაშვილი, ვ. (2015). წრფივი პროგრამირების ამოცანების ოპტიმალური ამონახსნების მოძებნა ეკონომიკურ-მათემატიკური მოდელების გამოყენებით. საერთაშორისო რეცენზირებადი და რეფერირებადი სამეცნიერო ჟურნალი „ეკონომიკა“ №1-2, თბილისი.

Finding Optimal Solutions for the Task of Linear Programming on the Basis of Working of Small Enterprise

Ioseb Kartvelishvili

Doctor of Technics,
European Teaching University Associate Professor

Tea Todua

Doctor of Technics,
European Teaching University Professor

Key words:

LINEAR PROGRAMMING, OPTIMAL SOLUTIONS

Summary

Solution of the task of optimization is the major for all fields of activity of the person. In this article there are considered questions of use of economic-mathematical model of object in an enterprise management process for its effective planning and adoption of optimal solutions. For small enterprise the economic-mathematical model is constructed and by means of a software package of "Pom For Windows" optimal solutions for a task of linear programming are found.